



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm XVI. Consultationi.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

NOTANDVM III. Episcopus ordinem maiorem conferens non habenti titulum sustentationis, vel patrimonium sufficiens, beneficium Ecclesiasticum ei prouidere debet: Atque interea dum consequatur, ipse Episcopus, & successor eius hominem alere cogitur, c. Episcopus, 4. c. cum secundum, 16. de præbend. c. Si Episcopus, 37. eod. in 6. Vide quæ dixi cit. c. 10. n. 5.

CAPITVLVM XV.

Dilectus.

PARAPHRASIS.

Vacante Ecclesia Humiliensi, Canonici elegerunt, aut potius postularunt Guilielmum in minoribus ordinibus constitutum. Hinc Episcopus Trecensis yno die omnes tres sacros ordines contulit: Et cum de hoc facto suo examinaretur, iuratustus dixit, non proprio auctu, sed ex Metropolitanu mandato id egisse; postea vero confessus fuit, sine mandato se ad hanc inordinatam ordinationem processisse. Sed etsi Archiepiscopus illi mandasset, parere illi non potuisse, cum Archiepiscopo in hac facultas à sacris canonibus concessa non sit. Quare cum dictus Episcopus Trecensis in pluribus grauerter deliquerit, ideo eum Honorius III. ab ordinandi potestate tamdiu suspendit, donec Sedi Apostolice visum fuerit absoluere.

SUMMARIUM.

1. *Episcopi & Archiepiscopi non possunt dispensare in universalibus Ecclesie canonibus, nisi id ipsi concessum sit.*
2. *Si Superior aliquid inbet contra legem, in qua dispensare non potest non debet subditus obedire.*

NOTANDVM I. Episcopi, & Archiepiscopi dispensare non possunt in universalibus Ecclesie canonibus, nisi id ipsi concessum reperiatur. Quæde re dixi lib. I. Th. mor. tr. 4. c. 22. n. 4.

NOTANDVM II. Si Superior aliquid iubeat contra legem, in qua dispensare non potest, non debet subditus obedire: quia ille transgreditur limites potestatis sue. Sin autem Superior aliquid iubeat contraria legem, in qua dispensare potest, debet illis obedi, quia tacite seu ipso facte dispensare censetur. Ut si Prelatus dispensandi potestate predictus subditus, quem irregularem esse scit, ad ordinates suscipiendos mittat, sicuti dixi eod. c. 22. n. 7.

CAPITVLUM XVI.
Consultationi.

PARAPHRASIS.

Gregorius IX. consultus ab Archiepiscopo Baranensi de ijs, qui extra tempora statuta sacros ordines accepert; Respondebat: Dubium nullum esse, quin sacrum characterem accepert: Et quamvis ab executione ordinis suspensi esse debeant, tamen Archiepiscopum, post penitentiam ipsis pro delicto impositam, permettere posse, ut in ordine suscepto ministrarent.

SUMMARIUM.

1. *A suspensione, aliæue censurâ, que infinitè fertur, nec Papa reservatur, absoluere potest Episcopus, & similem Episcopali iurisdictionem habens, si non depositâ contumaciâ Ecclesie parere velit.*
2. *Nisi tanquam crimen à Clerico commissum sit depositione dignum.*

NOTANDVM Vn. Si in canonibus dispensatio, aliæue censura indefinite leatur propter delictum, & Pontifici non reseretur, censetur Episcopis aliquique similem Episcopali iurisdictionem habentibus concessa potestas absoluendi, si reus depositâ contumaciâ Ecclesie parere velit. Ita colligitur etiam ex c. ex literis, I. de constitut. & c. nuper 29. de sent. excommunic. Idem.

SUMMARIUM.

1. Si crimen Clerici enorme vel populariter vel iudicialiter notorium sit, prohibendus est ab executione Ordinis suscepiti, & susceptione altioris.
2. Occultum criminosis post actam paenitentiam in officio suo ministrare potest, excepto crimen homicidij.
3. Potest Sacerdos notoriè criminosis, & ab exercitio ordinis non prohibitus, post paenitentiam & emendationem publicè notam igerum celebrare, saltem aliquo temporis intervallo interposito.

Idemque multò magis dicendum, si lex indefinite iubeat suspensionem ob tale crimen à iudice ferri, uti docet Suarez de censur. disp. 29. sect. 1. num. 18. Sin autem canon tempus definit, quo suspensio durare debet, tum inferior, videlicet Episcopus, relaxatio non potest. Quia de re dixi lib. 1. tr. 5. p. 3. cap. 4.

Deinde tradita doctrina limitari debet: Nisi crimen à Clerico commissum tale sit, ob quod secundum canones deponi debeat, videlicet unum ex majoribus, seu enormibus, scilicet explicatur p. 3. n. 2. §. criminis. Nam in talibus dispensare non potest Episcopus, caro sacerdoti, 4. §. de adulterijs, de iudicijs. Id verò nunc intelligi debet de criminibus notoriis, aut ad forum contentiosum deducitis. Si enim occultum sint, Episcopus pro falso conscientiae absoluere & dispensare potest, homicidio voluntario excepto, per Concil. Trident. sess. 24. c. 6. de reform.

CAPITVLVM Vlt.

Quæsitum.

PARAPHRASIS.

Quæsitum fuit ex Gregor. X. Pontifice, quid agendum esset cum Clericis, qui adulterij, perjurij, homicidij, aut falsi testimonij criminis se maculauerunt. Respondet Pontifex: Si talia crimina neque in populo notoria sint, neque per iudicium processum comprobata, videlicet per testes, aut propriam Rei confessionem, hoc casu Clerici criminosi post actam de crimine paenitentiam, non debent prohibiri, quod minus in susceptis ordinibus ministrent, & ad superiores ordines ascendant: excepto tamen homicidio. Sed ante actam paenitentiam monendi, & diuini iudicij proposito metu, obtestandi sunt, ut ne cum periculo damnationis suæ, in susceptis ordinibus ministrare, multò minus ad ordinem superiorem aspirare audeant,

Hinc per contrarium sensum colligitur, si crimen eiusmodi enorme vel populariter, vel iudicialiter notorium sit, prohibendos esse Clericos ab executione Ordinis suscepiti, & susceptione altioris; idq; vel absolventes, si spectati omnibus, paenitentiationis inferenda videatur, vel saltem ad tempus, donec plenè de commissione criminis satisfecerint.

NOTANDVM I. Crimen adulterij, incestus, periurij, falsi testimonij ipso iure non inferunt suspensionem, aut irregularitatem. Quare si facinus occultum maneat, Clericus post actam paenitentiam de tali criminis, in officio suo ministrare potest. Excipitur autem crimen homicidij, quod etiam si occultum maneat, irregularitatem conciliat, eamque non ab alio, quam a Summo Pontifice dispensabilem.

NOTANDVM II. Ex hoc c. probabiliter colligitur, non tantum Sacerdotes (de quibus dubium non est) sed etiam alios in sacris constitutos mortaliter peccare, si cum conscientia peccati mortalis in officio suo ministrent, v.g. Diaconus Euangelium solemniter cantet. Sed hanc q. plenè disputauit lib. 5. tr. 1. c. 5. q. 4.

QVÆRIES: Si Sacerdos v.g. fornicationem, vel adulterium in populo notorium commisit, sed ab Ordinario exercitium ordinis ipsi non prohibetur, potestne post paenitentiam, & emendationem publicè notam, interposito saltem aliquo temporis in-

Sss terual-